


**SEGUNDA ADDENDA AO CONVENIO DE COLABORACIÓN ENTRE A DEPUTACIÓN DE PONTEVEDRA E O CONCELLO DE TOMIÑO PARA A EXECUCIÓN DA ACTUACIÓN DENOMINADA “PROXECTO 'ESPAGO ISAURA GÓMEZ’”, NO MARCO DO PROGRAMA PROVINCIAL DE INFRAESTRUTURAS E DOTACIÓNS SINGULARES PARA A RECUPERACIÓN POST-COVID-19. PROGRAMA REACPON (REACCIONA PONTEVEDRA PROVINCIA)**

DOCUMENTO ASINADO ELECTRONICAMENTE POR:



Pode verificar a integridade deste documento  
no enderezo: <https://sede.depo.gal>  
Código seguro de verificación (CSV):2XDGGZJ6P7EQ33GDR

**SEGUNDA ADDENDA AO CONVENIO DE COLABORACIÓN ENTRE A DEPUTACIÓN DE PONTEVEDRA E O CONCELLO DE TOMIÑO PARA A EXECUCIÓN DA ACTUACIÓN DENOMINADA “PROXECTO 'ESPAZO ISAURA GÓMEZ’”, NO MARCO DO PROGRAMA PROVINCIAL DE INFRAESTRUTURAS E DOTACIÓNS SINGULARES PARA A RECUPERACIÓN POST-COVID-19. PROGRAMA REACPON (REACCIONA PONTEVEDRA PROVINCIA)**

En Pontevedra, na data da sinatura electrónica

**INTERVEÑEN**

Dunha parte, D.<sup>a</sup> Luis López Diéguez, quen actúa no nome e representación da Deputación Provincial de Pontevedra, en virtude do seu cargo como presidente deste organismo e en función das atribucións que lle confiren o artigo 34 da Lei 7/1985, do 2 de abril, reguladora das bases do réxime local (LRBRL), e o artigo 105 da Lei 5/1997, do 22 de xullo, de administración local de Galicia (LALGA).

Doutra parte, D.<sup>a</sup> Sandra González Álvarez, quen actúa no nome e na representación do Concello de Tomiño, en virtude da súa condición de alcaldesa-presidenta da citada Corporación, segundo o disposto no artigo 21 da LRBRL, no artigo 61.1 da LALGA e no artigo 41.1 do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

Actúa D. Carlos Cuadrado Romay, en calidade de secretario xeral da Deputación Provincial de Pontevedra, dando fe do acto que se celebra.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización deste convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, a estes efectos, de común acordo,

**EXPOÑEN**

I. Na data 17/12/2021 o Pleno da Corporación Provincial, adoptou o acordo núm. 4.7719 polo que se aprobou a concesión dunha subvención, polo procedemento de concorrencia competitiva, ao Concello de Tomiño, con destino á execución da actuación denominada “PROXECTO “ESPAZO ISAURA GÓMEZ’”, segundo o proxecto redactado no mes de maio de 2021 e emendado no mes de outubro de 2021, ao abeiro do Programa provincial de infraestruturas e dotacións singulares para a recuperación post-Covid-19. Programa ReacPon (Reacciona Pontevedra Provincia).

II. O orzamento do investimento ascendía a 1.740.586,11€ e a subvención concedida a 1.108.423,05€, completándose o financiamento mediante unha achega municipal por importe de 632.163,06€.



III. De acordo co previsto na base reguladora 7ª.2.h) do Programa, mediante a resolución presidencial núm. RP2021007868 de 30/12/2021 aprobouse o correspondente convenio de colaboración co fin de definir as actuacións obxecto de subvención e concretar de xeito pormenorizado as obrigas das partes, o cal se asinou o día 11/01/2022.

Na súa cláusula 6ª, respecto da modificación dos contratos, recóllese que “se durante a execución da obra xurdise a necesidade de modificar o proxecto, o concello deberá redactar e xestionar administrativamente, de acordo co establecido na normativa de contratos, a modificación do proxecto, que deberá ser aprobada polo órgano competente do concello. Tras a aprobación polo concello, a Deputación supervisará a modificación e, de ser o caso, dará a súa aprobación, sen a cal non será posible o pago da subvención”.

IV. Na data 31/01/2022 o Concello adxudica a realización do investimento por importe de 1.532.237,96€ (IVE incluído), resultando unha baixa de adxudicación de 208.348,15€ (11,97%), formalizándose o contrato administrativo o 14/02/2022.

V. Na data 27/01/2023, o Pleno provincial na súa sesión ordinaria, adoptou o acordo núm. 7.7926 polo que se prorroga ata o 31/12/2023 o prazo de execución dos investimentos acollidos no Programa ReacPon e ata o 31/05/2024 o prazo de xustificación dos mesmos. Mediante a resolución presidencial núm. RP2023002603, de 30/03/2023, aprobouse a correspondente addenda ao convenio, na que se modifica a cláusula Décima primeira do convenio, relativa á vixencia, a cal se asinou o día 10/04/2023.

VI. Na data 29/12/2023 o Pleno provincial, mediante o acordo núm. 11.8110, aprobou o proxecto técnico modificado presentado e aprobado polo Concello, tendo en conta as novas obrigas económicas en relación ao orzamento da actuación, o importe da subvención e o importe a cofinanciar.

VII. Por todo o anteriormente exposto, as partes manifestan expresamente o seu desexo de asinar unha nova addenda para adaptar o texto do Convenio asinado o 11/01/2022, e modificado pola addenda asinada o 10/04/2023, ás novas condicións establecidas no antedito acordo, con arranxo ás seguintes

## CLÁUSULAS

### PRIMEIRA. FINANCIAMENTO

As partes acordan modificar a cláusula Segunda do Convenio, relativa ao financiamento da actuación denominada “PROXECTO “ESPAZO ISAURA GÓMEZ”” no marco do Programa ReacPon, polo incremento do orzamento, derivado do modificado do proxecto, e do importe da achega municipal prevista no convenio, quedando redactada do seguinte xeito:

*“O custo total da actuación ascende a un millón setecentos cincuenta e catro mil catrocentos doce euros con corenta e oito céntimos (1.754.412,48€).*”



*Deste importe, ao abeiro do Programa ReacPon, a Deputación financiará unha contía máxima dun millón cento oito mil catrocentos vinte e tres euros con cinco céntimos (1.108.423,05€), que supón unha porcentaxe total sobre o orzamento do 63,18%, que se imputarán contra a aplicación orzamentaria 2024/942.9420.762.75.2021 do vixente orzamento provincial.*

*Pola súa banda, o Concello achegará a cantidade restante ata completar o orzamento, o que supón unha contía de seiscentos corenta e cinco mil novecentos oitenta e nove euros con corenta e tres céntimos (645.989,43€) e unha porcentaxe de cofinanciamento do 36,82%, con cargo á correspondente aplicación do orzamento do Concello ou con outro tipo de axudas que a entidade local poida obter.”*

O novo financiamento da actuación recóllese na seguinte táboa:

<b>Orzamento (proxecto modificado)</b>	<b>1.754.412,48 €</b>
Subvención (Programa REACPON)	1.108.423,05 €
Achega municipal	645.989,43 €

## **SEGUNDA. RÉXIME XURÍDICO**

En todo o demais permanecerá invariable o contido do texto do convenio asinado o 11/01/2022, e modificado pola addenda asinada o 10/04/2023, suxeitándose as partes ás súas cláusulas.

E, como proba de conformidade, as partes que interveñen asinan a presente addenda na data da sinatura electrónica.

O presidente da Deputación Provincial de Pontevedra, D.Luis López Diéguez

A alcaldesa-presidenta do Concello de Tomiño, D<sup>a</sup>. Sandra González Álvarez

O secretario xeral da Deputación Provincial de Pontevedra, D. Carlos Cuadrado Romay